

AKASHVANI (AIR)
RNU : KOLKATA
Bengali Text Bulletin

Date 15-11-2025

Time: 1.40 P.M.

দিল্লির লালকেল্লার সামনে বিস্ফোরণে কাণ্ডে জড়িত সন্দেহে উত্তর দিনাজপুরের ডালখোলার সুরজাপুর বাজারের কাছ থেকে NIA, নুর আলম নামে এক যুবককে আটক করেছে। সে হরিয়ানার ফরিদাবাদের আল ফালাহ বিশ্ববিদ্যালয়ের মেডিক্যাল ছাত্র বলে জানা গেছে। তাকে জিজ্ঞাসাবাদ করা হচ্ছে। আত্মীয়ের অনুষ্ঠানবাড়িতে সে এখানে এসেছিল। সূত্রের খবর তার আদি বাড়ি উত্তর দিনাজপুরেই।

কেন্দ্রীয় প্রতিমন্ত্রী সুকান্ত মজুমদার বলেছেন, এর আগেও বিভিন্ন জায়গায় বিস্ফোরণের ঘটনায় এরাঙ্গের নাম জড়িয়েছে। আজ মালদায় দলের সাংগঠনিক বৈঠকে যোগ দেওয়ার আগে, সাংবাদিকদের মুখোমুখি হয়ে শ্রী মজুমদার বলেন, জঙ্গিদের সহায়তা করে তৃণমূল কংগ্রেস।

(বাইট – সুকান্ত)

মালদা উত্তর ও দক্ষিণ এবং দুই দিনাজপুরে বিজেপি-র প্রতিনিধিদের সঙ্গে আজ মালদায় সাংগঠনিক বৈঠক করেন, বিজেপি নেতা সুনীল বনসল।

oooooooooooooooooooooooooooo

কলকাতার এজরা স্ট্রীটে বৈদ্যুতিন সামগ্রির দোকান ও গুদামে লাগা আগুন এখন অনেকটাই নিয়ন্ত্রণে। দমকলের বেশ কয়েকটি গাড়ি এখনও ঘটনাস্থলে রয়েছে। ঘিঞ্জি এলাকা হওয়ায় আগুন নেভাতে বেগ পেতে হচ্ছে দমকল কর্মীদের। খবর পেয়ে ঘটনাস্থলে যান দমকলমন্ত্রী সুজিত বসু, মেয়র ফিরহাদ হাকিম এবং দমকলের ডিজি। আজ সকালে ওই গুদামে আগুন লাগে। ভেতরে দাহ্য পদার্থ থাকায় খুব দ্রুত তা ছড়িয়ে

‘এক ভারত শ্রেষ্ঠ ভারত’ কর্মসূচির অঙ্গ হিসেবে ঝাড়খণ্ড রাজ্যের প্রতিষ্ঠা দিবস এবং ধরতি আবা ভগবান বীরসা মুন্ডার ১৫০তম জন্মজয়ন্তী আজ কলকাতা রাজভবনে যথাযথ মর্যাদায় উদ্‌যাপন করা হয়। উপস্থিত ছিলেন বিশিষ্ট ব্যক্তিত্ব, শিল্পী এবং বিভিন্ন শিক্ষাপ্রতিষ্ঠানের প্রতিনিধিরা। অনুষ্ঠানে রাজ্যপাল সি ভি আনন্দ বোস, ভগবান বীরসা মুন্ডার প্রতি গভীর শ্রদ্ধা জানান। আদিবাসী সমাজের অধিকার রক্ষায় বীরসা মুন্ডার আত্মত্যাগ আজও দেশবাসীকে অনুপ্রাণিত করে।

উল্লেখ্য, সর্বশেষ বাঘ সুমারিতে সুন্দরবনে বাঘের সংখ্যা ছিল ১০১। তবে বন দফতরের দাবি, গত বছর বহু ব্যাঘ্র শাবকের ছবি ধরা পড়ায় এবার সংখ্যাটা আরও বাড়বে বলে আশা করা হচ্ছে। পাশাপাশি হরিণ, বুনো শূকরসহ বাঘের পর্যাপ্ত খাদ্য রয়েছে কিনা, তা পরীক্ষা করতে নদী ও খাঁড়িতে নৌকা নিয়ে টহল দেবেন বনকর্মীরা।

oooooooooooooooooooooooooooooooo

বর্ষীয়ান অভিনেত্রী ভদ্রা বসু প্রয়াত। বেশ কিছুদিন ধরেই অসুস্থ ছিলেন তিনি। মস্তিষ্কে রক্তক্ষরণের জন্য সম্প্রতি তাঁর অস্ত্রপচার হয়েছিল। মেয়ে দামিনী বসু আজ এই মৃত্যু সংবাদ সমাজমাধ্যমে জানিয়েছেন। গতকাল রাত বারোটা নাগাদ তাঁর মৃত্যু হয়। আজ নিমতলা ঘাটে তাঁর শেষকৃত্য সম্পন্ন হয়েছে। মঞ্চ এবং বড় পর্দা দু ক্ষেত্রেই সাবলীল অভিনয় করেছেন তিনি। প্রখ্যাত নাট্য নির্দেশক তথা অভিনেতা অসিত বসুর স্ত্রী, ভদ্রা বসু সুমন মুখোপাধ্যায়ের 'পুতুলনাচের ইতিকথা' এবং অনিলাভ চট্টোপাধ্যায়ের 'বেলা' ছবিতে অভিনয় করেছেন। 'বেলা'ই তাঁর অভিনীত শেষ ছবি। একাধিক জনপ্রিয় নাটক পরিচালনা করেছেন তিনি। যার মধ্যে গওহরজান অন্যতম। সিনেমা ও নাট্য জগতের বহু অভিনেতা-অভিনেত্রী তাঁর প্রয়াণে সমাজমাধ্যমে গভীর শোক প্রকাশ করেছেন।

oooooooooooooooooooooooooooo

ইডেনে প্রথম ক্রিকেট টেস্টে দক্ষিণ আফ্রিকার বিরুদ্ধে ভারত ১৮৯ রানে তাদের প্রথম ইনিংস শেষ করেছে। কে এল রাহুল ৩৯, ওয়াশিংটন সুন্দর ২৯, ঋষভ পন্থ , রবীন্দ্র জাদেজা দুজনেই ২৭ রান করেছেন। দক্ষিণ আফ্রিকার সাইমন হারমার চার উইকেট নিয়েছেন। ভারত প্রথম ইনিংসে দক্ষিণ আফ্রিকার চেয়ে ৩০ রানে এগিয়ে রয়েছে। দক্ষিণ আফ্রিকা প্রথম ইনিংসে করেছিলো ১৫৯ রান।

ব্যাট করতে নেমে ৪ রান করার পর ঘাড়ের ব্যথার কারণে ড্রেসিংরুমে ফিরে যান ভারত অধিনায়ক শুভমন গিল। বিসি সি আই এর তরফে জানানো হয়েছে, শুভমনের শারীরিক অবস্থার উপর নজর রাখা হচ্ছে। তিনি ম্যাচে ব্যাট করতে নামবেন কিনা তার শারীরিক অবস্থার উপর নির্ভর করছে।

oooooooooooooooooooooooooooo